

太上赤文洞古經註

龜

山

長

筌

十

註

操真章上

有動之動出於不動

有動者應機也無動者抱元守一也歸根復命也故經云清者濁之源靜者動之基唯精唯一允執厥中夫物芸芸各復歸其根歸根曰靜至靜不動也有為之為出於無為無為則神歸

神本湛寂感而遂通不得已而後起隨機接物妙用無窮去智與仁故循天之理淡然而衆妙歸之

神歸則萬物云寂

東京大學
東洋文化研究所所藏
漢籍善本全文影像資料庫

書名 太上赤文洞古經註一卷
撰者 □ 長笪子 撰
卷 卷一
內容分類 子- 道家- 道經
索書號 子部- 道家- 97
編號 C6740400

[彩色首頁1](#)

[東洋文化研究所漢籍目錄](#) 編號: C6740400

[東洋文化研究所漢籍目錄所藏漢籍善本全文影像資料庫](#) 索書號: 子部- 道家- 97

[漢籍善本全文影像資料庫](#) 文本太上赤文洞古經註一卷

版權所有: [東京大學](#) [東洋文化研究所](#)

[使用上的注意事項](#)

真常之道得矣所謂照心者即天心也真常者即無妄也了悟此心則有妄之心復矣无妄之道成矣无妄所以次後也易曰復其見天地之心乎到這裏纖芥幽微悉皆先照至於如如不動了了常知至覺至靈常清常靜真常之道至是盡矣聖人能事畢矣

太上老君說常清靜經註終

太上赤文洞古經註

龜

山

長

筌

十

註

操真章上

有動之動出於不動

有動者應機也無動者抱元守一也歸根復命也故經云清者濁之源靜者動之基唯精唯一允執厥中夫物芸芸各復歸其根歸根曰靜至靜不動也有為之為出於無為無為則神歸

神本湛寂感而遂通不得已而後起隨機接物妙用無窮去智與仁故循天之理淡然而衆妙歸之

神歸則萬物云寂

專氣致柔能如嬰兒抱守冲和真氣氤氳萬物皆
長生也知和曰常心使氣曰強強者堅強壯老死
之徒也

不動則氣泯氣泯則萬物無生

氣絕神逝九竅百骸變滅塵土也更何疑之

神神相守物物相資厥本其根

以虛養虛以實養實何以故忘形養氣忘氣養神
忘神養虛虛實生自吉祥止止神氣冲寧靈根深
固故成長生久視之道也

默而悟之我自識之

至道之玄不假外物而得默默昏昏无應无問靈
光獨耀迥脫根塵體露真常不隨萬法可以全生

可以復本也

入乎無間

無間者無有也是不言之教無為之益圓通无礙
應化無窮遍滿十方時時運動無有間斷也
不死不生

玄珠燦燦今古常明萬物混成法法平等非靜非
染无始无終故曰不死不生者也

與天地為一

天道清虛所以能長地道寧靜所以能久人能悟
理達其妙道致虛極守靜篤恬恢寂然不為萬物
之所累清淨無為可以與天地為一者哉

入聖章中

忘於目則光溢無極

五色亂明令人目盲色者彰也色色者未嘗顯何謂也法眼圓通明照十方三界觀物無物觀空不空視之冥冥杳杳之中獨見曉焉靈光充塞無窮極也

泯於耳則心識常淵

五音亂聰令人耳聾心是清淵本自湛澄是非言語美惡聲音皆為妄情偽物飄風驟雨動擾心源神室不靈若能泯絕是非不受於中無聲之中獨聞和焉然後可以聽玄歌白雪不鼓陽春仙音之曲調也

兩儀俱忘絕衆妙之門

聲色雙泯動靜兩忘聽之不以氣視之不以神是謂太玄之妙虛曠之靈深之又深而能物焉神之又神而能精焉无為之為不知而知靈明曠徹廣大虛寂妙無邊際也

純純全全合乎大方

物我俱忘有無不立昏昏默默杳杳冥冥无邊无际非外非中其游无端其出無方化育萬物不可為象混成無方隅也

溟溟濔濔合乎無倫

至道重玄浩浩蕩蕩理無等倫蔽之則為元精用之則為萬靈舍之則為太一放之則為太清无相无名至尊至貴迷之則凡夫悟之則聖賢

天地之大我之所維

古今聖賢得道真人提挈天地把握陰陽雕琢萬物澤及群品不為難乎

萬物之眾我之所持

宇宙在乎其手萬化生乎一身

曷有窮終以語其弊哉

聖人直說妙道普現普光惟恐後世凡夫不信疑惑大發謙辭若言不盡其理以語為弊惡舛訛之說也

住世章下

養其無象象故常存

真氣薰蒸而特無寒暑純陽流注而民無死生故

曰心燈朗照法身長存慧道容豈載

守其無體體故全真

天地相合以降甘露滋榮羣品人能安靜和暢寶瓶堅固玉漿香美真水下降滋養妙體返老如童孩不亦善乎

全真相濟可以長久

水火既濟魂魄相守錯汞相凝鍊成大藥結就金丹燦爛光輝無幽不燭純白入素無為復朴長生不滅沒身不殆號曰真人者也

天得其真故長

天得純粹不雜之道則故能覆蓋羣有包羅萬象歷劫清凝鑿物无私不言而應妙用無窮高虛長

遠大無不包久而不易也

地得其真故久

地得其真則育養萬物深根固蒂安靜無為乃長久也

人得其真故壽

死而不亡者壽但世人悟其真趣得其妙元與道合真沒身不殆同共聖賢今後代祭祀不輟何以加此焉

世人所以不能長久者為喪其無象散其无體

五味濁口五臭薰鼻聲色闕塞耳目取捨滑心使性飛揚迷情徇物念念相嬰使心智遊乎外鬼神入其內是非寵辱亂擾靈源與物相及相靡終身

疲役區區業網而不知其歸可不悲乎身適美厚錦綺羅縠意迷邪見顛倒妄想至於窮年不知天命喪已於物失性於俗者謂之倒置之民可不哀哉不能使百骸九竅與真體並存故死矣

內本清靜光明虛白晃耀奈何愛染萬緣不生返照飄飄一性之散沉沉萬劫之迷難省真身遷於別蛻迷其真源壞其內也萬劫輪迴生死海中不能超度甚可哀憐矣

太上赤文洞古經註終